

0.0.1 daṭṭhabbasuttaṃ

1. pañcimāni bhikkhave, indriyāni. katamāni pañca: saddhindriyaṃ viriyindriyaṃ satindriyaṃ samādhindriyaṃ paññindriyaṃ. kattha ca bhikkhave, saddhindriyaṃ daṭṭhabbaṃ: catusu sotāpattiyaṅgesu¹. ettha saddhindriyaṃ daṭṭhabbaṃ. kattha ca bhikkhave, viriyindriyaṃ daṭṭhabbaṃ: catusu sammappadhānesu. ettha viriyindriyaṃ daṭṭhabbaṃ. kattha ca bhikkhave, satindriyaṃ daṭṭhabbaṃ: catusu satipaṭṭhānesu. ettha satindriyaṃ daṭṭhabbaṃ. kattha ca bhikkhave, samādhindriyaṃ daṭṭhabbaṃ: catusu jhānesu. ettha samādhindriyaṃ daṭṭhabbaṃ. kattha ca bhikkhave, paññindriyaṃ daṭṭhabbaṃ: catusu ariyasaccesu. ettha paññindriyaṃ daṭṭhabbaṃ. imāni kho bhikkhave, pañcindriyānīti.

¹sotāpattiyaṅgesu - machasaṃ, syā.